



UNIVERSITI
TEKNOLOGI
MARA

Cawangan Negeri Sembilan
Kampus Rembau

2024

RONA TINTA

e-BULETIN
EDISI
2024

FAKULTI PENGURUSAN & PERNIAGAAN
UNIVERSITI TEKNOLOGI MARA
CAWANGAN NEGERI SEMBILAN, KAMPUS REMBAU



CHIEF EDITOR
SYAZLIANA KASIM

EDITORS
FARRAH OTHMAN
NOOR AZILLAH MOHAMAD ALI
SHAHRUL AMRI AB WAHAB
DR. HAFIZ ALI, M.

eISSN 2785-9126



9 7727 8591 2007



PROGRAM SEKOLAH ANGKAT: KEM PEMANTAPAN MENTAL & FIZIKAL: PELAJAR SMK PEDAS PEMACU MASA HADAPAN 7 - 9 SEPTEMBER 2023

MASRUL HAYATI KAMARULZAMAN

Fakulti Pengurusan & Perniagaan UiTM Cawangan Negeri Sembilan Kampus Rembau dan Sekolah Menengah Kebangsaan Pedas (SMK Pedas) telah berbincang dan bersetuju untuk mengadakan kerjasama antara dua hala, justeru menjalinkan hubungan “SEKOLAH ANGKAT”. Pihak Fakulti sangat berbesar hati dapat menyumbangkan kepakaran, tenaga, idea dan sumber dalam memastikan generasi akan datang terus mempunyai keazaman dalam mengubah nasib diri, keluarga, masyarakat dan Negara. Selain itu, Program “SEKOLAH ANGKAT” ini adalah satu Inisiatif yang dijalankan bagi membantu pihak sekolah dalam meningkatkan kecemerlangan pelajar melalui pelbagai kerjasama yang bakal dijalankan di masa akan datang di antara Fakulti dan juga SMK Pedas.

Justeru, sebagai langkah permulaan, Fakulti Pengurusan & Perniagaan UiTM Kampus Rembau dengan kerjasama Unit Kerjaya & Kaunseling, UiTM Cawangan Negeri Sembilan, Fakulti Sains Sukan & Rekreasi UiTM Kampus Seremban dan SMK Pedas telah berjaya menganjurkan satu program khusus bagi memantapkan kebolehan mental & fizikal pelajar SMK Pedas. Program tersebut adalah atas nama KEM PEMANTAPAN MENTAL & FIZIKAL: PELAJAR SMK PEDAS PEMACU MASA HADAPAN pada 07 hingga 09 September 2023 di UiTM Kampus Seremban dan Taman Cabaran. Program ini telah disertai oleh 122 orang pelajar yang terdiri daripada tingkatan 1 hingga tingkatan 5 dan pelajar ini terdiri daripada kalangan pelajar B40. Program ini juga melibatkan seramai 15 orang pelajar UiTM sebagai fasilitator serta 33 orang staf UiTM sebagai ahli jawatankuasa serta penceramah.



Kejayaan kem ini amatlah penting kerana ianya membantu pencapaian KPI yang ditetapkan oleh Hal Ehwal Akademik (HEA) dan Pusat Jaringan Industri, Alumni & Masyarakat (PJIA&M) yang perlu dicapai oleh Fakulti bagi tahun 2023. Diantara objektif kerjasama ini adalah seperti dibawah:

- a. Mewujudkan dan menjalin hubungan dua hala Bersama sekolah angkat dibawah KPI HEA diantara universiti dan komuniti setempat.
- b. Membantu mencapai KPI ICAN dibawah PJIA& M yang diturunkan kepada Fakulti untuk melaksanakan Program University Social Responsibility (USR).
- c. Menyokong Matlamat Pembangunan Mampan iaitu Mampan 4: Pelajar tidak kira di bandar atau diluar bandar layak mendapat Pendidikan berkualiti.
- d. Meningkatkan ketahanan mental dan fizikal pelajar bagi memastikan pelajar kekal bersemangat dan cergas dalam pelbagai aktiviti dan tugas harian.
- e. Meningkatkan kebolehan pelajar dari segi kemahiran berkomunikasi, menyesuaikan diri dalam kerja berkumpulan, menepati masa, memahami serta patuh pada arahan yang diberi, bertanggungjawab dan tolong-menolong antara satu sama lain.
- f. Menanamkan minat dan keazaman para pelajar dari kalangan pelajar B40 dari SMK Pedas untuk menyambung pelajaran ke peringkat Universiti dan lebih berjaya di masa hadapan apabila diberi pendedahan terhadap suasana kampus.
- g. Memberi pengalaman berharga buat para pelajar Fakulti untuk bertindak sebagai fasilitator kepada seramai 122 orang pelajar SMK Pedas.
- h. Memberi pendedahan kepada para pelajar UiTM berkenaan khidmat kepada masyarakat sekitar dan menyumbang tenaga kepada pembangunan insaniah pelajar.



Program khidmat komuniti sebegini wajar diteruskan oleh UiTM untuk memastikan hubungan baik UiTM bersama masyarakat setempat kekal didalam keadaan yang cemerlang serta kewujudan Universiti keramat ini diiktiraf kepentingannya oleh masyarakat setempat kerana kewujudan UiTM didalam masyarakat dapat memberi manfaat serta kepentingan kepada masyarakat.

